

Arubaanse Courant

NJA 27

DIA LUNA 5 DI DECEMBER 1966.

No. 8022

CARNAVAL DI ARUBA A PERDE UN DI SU ALMANAN



Pa tur hende na Aruba cu tabata conoce, tabata un sia duro ora cu nan a tende cu diadabra ultimo a fallece na Venezuela, sra. Sidonia Pernia-Rasmijn, un conocido figura en nos comunidad.

Pa esnan cu te awe no tabata conoce, nos kier a informa nan, cu e dama simpatica aki tabata un di e almanan un di e baluartenan, di nos Carnaval. Hasta nos por bisa cu si e tabata pa Sidonia, manera e ta conoci riba henter e isla, e Carnaval di Aruba den tur anjanan lo no tabata asina bunita y exitoso. E tabata e dama, y no un cabayero, cu usando su fantasia, su ideanan y su horanan liber, a sabi di presenta tur anja cu gruponan grandi na pia cualnan tabata e mihornan cu nos a mira te ainda den e Carnaval di Aruba. E hecho cu Sidonia, kende lastimamente no ta cu nos mas, tabata inclui persona- nan for di tur skina di Aruba den su gruponan grandi, ta e prueba cu e kier a haci nos carnaval algo di pueblo y pa pueblo.

Den esaki el a logra brillantemente. E mes tabata e persona cu lunanan prome cu carnaval-tabata viaha pa exterior, riba su propio gastonan, pa mira kiko tin di nobo pa por presenta cune den e proximo carnaval na nos isla.

E mes tabata e persona cu siman tras siman, prome cu carnaval, tabata haci e preparacionnan necesario pa su grupo sali "tur afó" riba caya. E mes tabata cose un gran cantidad di e trahenan precioso, e mes tabata duna consehonan y pa bisa den poco palabra

"e tabata biba pa Carnaval". Y na final di cuenta, semper su grupo tabata sali di prome, tanto na San Nicolas como na Oranjestad. Sin Sidonia, Carnaval na Aruba lo no por tabata asina bunita manera e ta pa varios anja tras di otro caba. Carnaval na Aruba, en berdad, a perde un di su mihor trahadornan y ki ora cu den e proximo carnavalnan nos mira e gruponan grandi na pia den cual tin personanan cu pa anjanan largo tabata huntu den e grupo di Sidonia, nos mester corda riba djé. Ojalá tin personanan cu semper tabata cune, cu kier tuma e iniciativa pa sigi cu e grupo di Sidonia p'asina nos por sigi record'e pa semper.

Segun nos a ser informa, e restonan mortal di Sidonia, lo yega Aruba diarazon awor for di Venezuela y e entierro lo tuma lugar diarazon atardi na San Nicolas.

Riba e foto ariba, na robez, nos por mira Sidonia (4) ta ricibi pa di tanto biaha e premio di e mihor grupo of e grupo di anja, e biaha aki for di man di presidente di C.C.C.A., sr. Mito Croes. E foto na drechi ta muestra un di su tremendo gruponan, "Chinese Flower Sellers" y e fotonan abao ta muestra un otro grupo "The Honeybees".

E anja aki Sidonia a presenta cu e grupo "Underwater Fantasy", cual a bolbe resulta grupo di anja. Na tur e familiarnan di Sidonia y na e Stichting pa celebracion di Carnaval na Aruba, nos ta extende nos sentido pesame cu e perdida grandi aki di un miembro di familia y di un di e pilarnan di nos Carnaval.

4 anja exige contra colombiano cu a abusa di dama den Wilhelmi- na Park.

ORANJESTAD--Dilanti corte den e instancia a sigi ayera mainta e caso contra e marino colombiano di 28 anja, ken e algun siman pasa un poco des- pues di 12'or di anochi, a dal e hoben di 18 anja cu un pie- na su cabez y a mande for di tino. E colombiano despues abusa di e hoben su amiga di 22 anja, ariba gritamento di e dama e bisinjanan a ser spierta

y na nan turno a avisa polis. Polis a logra aresta e homber na momento cu e tabata cometien- do su acto baho ainda. E caso a sigi ayera mainta tras di porta sera. Na fin fiscal sr. S. H. Tjong Ajong a demanda e castigo pisa di 14 anja sera. Huez Mr. M. Wijnholt lo duna sentencia aki 14 dia.

2 ANJA Y 6 LUNA PA CHAUFFEUR CU A MA- TA DAMA CU AUTO.

ORANJESTAD--Dia 29 di augus- tus ultimo pa cinco pasa di shete di anochi sra. Josefina Geerman

a worde mata instantaneamente pa un auto den un lorada na hal- tura di "Macuarima Store". Su dos juinan cu tabata cana huntu cune na canto di caminda tambe a worde herida.

Contra e chauffeur cu a comete e accidente aki fiscal, sr. S. H. Tjong Ajong a exige un castigo di dos anja y seis luna sera pa e hecho cu e chauffeur a core auto, mientras cu gezag- hebbes a kita su rijbewijs, fis- cal a pidi un luna sera.

BURACHI

Ariba e dia aki e chauffeur S. T. tabata core su auto bao di

influencia di alcohol mientras cu e velocidad di e auto tabata halto. Despues di e accidente e acusado mester a pasa un test y for di cual a resulta cu e taba- ta incapacitá pa maneja un au- to. Su sanger tabata contene un grado di alcohol di 2,83 cual ta hopi halto. Ariba e dia ey acu- sado a cuminsa bebe di un' or y mei di atardi. Un siman prome gezaghebbes a kita su rijbe- wijs y no obstante esaki el a core auto tog riba e dia fatal ey. Fiscal a pidi tambe pa kita su rijbewijs pa henter su bida. Aki dos siman huez lo dicta sen- tencia.

VELOCIDAD HALTO:

ORANJESTAD--Diabierne anochi pa diez'or un auto di famia taba- ta core cu velocidad hopi halto na e caminda principal pa Oran- jestad. Na altura di Wayaca e chauffeur cu tabata bula den su vehiculo a ripara cu un auto taba- ta core su dilanti. Pa e no dal den e auto el a bai dal na su man drechi y a bai dal den e serito cu tin bandi caminda.

E auto a keda cu un danjo di fls. 2000-- mientras cu un ocupante mester a worde hospitaliza pa observacion.

N.V. HANDELSBANK ARUBA

(ARUBA COMMERCIAL BANK)
ORANJESTAD - ARUBA

PARTICIPACION NA PORTADORNAN DI NOS

BUKINAN DI SPAAR

Entrante 1 di December ultimo e compensacion di interes riba nos bukinan di spaar (al contrario di nos anuncio anterior) a **AUMENTA TE**

4% PA ANJA

E otro condicion lo keda na vigor sin cambio.

Ademas gustosamente nos ta dispuesto pa dunabo nos tarifanan favorable pa deposito riba término, segun bo peticion.

TA BENDE

Un stofzuiger
"Singer"
Solamente 5 biaha usa.

pa inf. jama tel. 2116



Rey De Copas TA REGALA: Fls. 200.--

na su participantenan diconcurso cual ta hunga dia 19 di December 1966.

Cuanto placa tin den e vitrina di Aruba Distilling Co., na Wilhelminastraat No. 51?

REGLANAN PA PARTICIPA.

- 1) Pa cada botter bashi di Rey de Copas di mei Galon bo ta. recibi 4 tickets, pa cada botter di 12/1 bo ta recibi dos tickets, pa cada botter di 24/2 bo ta recibi un ticket y pa cada dos botter di 48/4 bo ta recibi un ticket.
- 2) Entrega e formulario aki jená na oficina di Aruba Distilling Co., Wilhelminastraat No. 51.
- 3) E mes persona por jena cuanto formulario cu e ta desea, contal cu e entrega pa cada formulario e cantidad di botter bashi requerido.
- 4) Si tin mas cu un beneficiado e premio ta ser parti den esnan cu tin e pregunta correcto.

DE VEER TEATRO
aire acondicionado
ta presenta awe nochi 5 Dec.



f. 2— all ages

PINOCCHIO Kerkstraat 15, Oranjestad.

Nos tin un grandioso variacion di juguetes di calidad, entre otro:

- * Lessenaar, bordchi, stoel pa mira television.
- * Set di tñ, popchi, wagen pa popchi, paña pa popchi barbi.
- * Machien di cose, set di toilet, set completo di combat, auto-jeep y avion di metal v plastic y hopi otro mas. Bishita nos y convence Bo mes!

AVISA DEN ARUBAANSE COURANT

DR.A. JANSENS Bachstraat 4 A BOLBE CUMINZA TRAHA.



"JIM BISHOP" J. COHEN/MANAGER

Ya nos ta den luna di december. Un luna jen di fiesta y felicidad, den cual tin recuerdo agradabel. Manera Jim Bishop ta bisa: "Ta mescos cu mi ta sinti e cayente di e kachel. E streanan ta brilla y ta kinipi wowo. E luna ta muestra frieuw y congela. E bentana tambe ta tapa cu sneeuw y millares di diamanta chikito ta aparece riba e glas. E lakennan ta frieuw y e palonan ta kraak mei anochi. Sneeuw ta cay cada rato mas hopi y ta keda cay diki y pisa, te cu bo no por tende e pasonan mas. Ah, e aroma di e sabroso kalakuna hasa y bolo di appel ta hacimi corda, pa recordabo pa no lubida di haci 80 reservacion pa e desayuno pascu mainta despues di e misa dia 24 di december anochi. Un cena frieuw masha sabroso. Bandi 1 'or nos ta sirbi tur clase di cos dushi pa 5 dollar pa persona y lo tin musica y ballamento. Hasi bo reservacion mas trempa posibel, na telefoon 3380 e siman aki. Diabierne 23 di dec. "Jam Session get acquainted cocktail party" pa tur e miembronan di C.C.C. Un corto resumen di e programa di e siman aki: Diabierne 23 di dec: "Jam Session" tur musicante ta bonbini, y drinks ta gratis. Get acquainted cocktail party- tur miembronan di C.C.C., y nos huespednan di coral Strand ta cordialmente invita for di 8-9' or di anochi.

E conocido conjunto colombiano "Del Monaco" lo bini y lo toca den Talk of the Town for di dia 22 di dec. pa 31 di december tur anochi.



Diahuebs ultimo a tuma lugar, e elegante boda entre senjorita Carmen Lacle y e cabayero Jenny Koolman, den iglesia San Francisco na Oranjestad. Tanto e novio como novia ta den servicio di teritorio insular y e novio ademas ta un di e componente di e popular trio "Los Romanceros". Despues cu pastoor Erkamp a bendicir e matrimonio den misa, un grupo hopi grandi di amigo y conocinanan a acudi na Strand Hotel, na unda un exitoso recepcion a ser tin, pa duna e pareha nan mehor deseonan. E dia siguiente e pareha Koolman-Lacle a sali di luna de miel pa New York y Miami, na unda nan lo keda te na luna di januari proximo. E foto ta muestra feliz pareha tumando e brindis di champanja.

Torneo di domino pa Statuutbeker

ORANJESTAD--E programa di e torneo di domino entre e servicionan di gobierno di Aruba pa e statuutbeker cu a worde poni desponibel pa gobiernu di Antiyas, tradicionalmente organisa pa "Sociale en Sportvereniging van de Arubaanse Posterijen" durante e periodo di 6 te cu 15 di december 1966 na ocasion di "Statuutdag 1966" ta manera siguiente: E apertura ta den S.C.A. Club na Paradera dia 6 di december pa 7.30 di anochi y tur hende ta bon bini. Cuminsamento di e prome rond: Landsontvangerskantoor (Z) vs Bevolking/ Burg st. /onderwijs ganador A. Dienst Openbare Werken (Z) vs Hypotheekkant/Kadaster ganador B. Telefoondienst (Z) vs Landsradiodienst ganador C. Veterinaire dienst (Z) vs Posterijen ganador F. 7 di december 1966 continuacion di prome rond den S.C.A. Club-Paradera pa 7.30 di anochi. Water en Energie Bedrijf (Z) vs Gezondheidsdienst ganador E. Bestuurskantoor (Z) vs Douane ganador D.

Luchthavendienst (Z) vs Social Zaken/ Justitie/ Insbel. ganador G.

DI DOS ROND

Ocho di december 1966 pa 7.30 di anochi. Ganador A vs ganador B den club Estrella ganador H. Ganador C vs ganador D den Noord Social Club ganador. Ganador E vs ganador F den Club R.C.A. Ganador J.

9 di december 1966 pa 7.30 anochi semi-finales: Ganador G vs ganador H den S.C.A. Paradera ganador K. Ganador I vs ganador J den Noord Social Club ganador L.

FINALE

13 di december 1966 pa 7.30 anochi den S.C.A. Club na Paradera. Ganador K vs ganador L. ganador M. (Campion). 15 di december 1966 pa 10. di mainta entregamento di premio door di su excelencia sr. ministro di cultura y enseñanza de Wilhelmina Stadion despues di partido di voetbal entre un seleccion di ambtearnan y un seleccion di Lago. Aclaracion: "Z" kier men o tai team tin cu tuma lugar prome.

Aruba tambe lo duna regalo pa boda di Margriet

ORANJESTAD--Durante un reunion cu a ser teni den Centro Cultural, e representantenan di algun organizacion e institucionnan riba nos isla a dicidi na forma un comision, cual lo keda encarga cu buscamiento di placa cu e fin pa entrega un regalo na number di e pueblo arubano na S.A.R. Princesa Margriet y mr. Pieter van Vollenhoven, kendenan lo contrae matrimonio na principio di 1967.

Entretanto cartanan a ser manda pa Gobierno, Lago, Comercio, y cabezante di schoolnan pa pidinan cooperacion pa cu e accion aki. E accion aki lo worde sera dia 15 di december proximo. E directiva diario di e comision aki ta consisti di: sra. Joan Coronel-Peterson, presidenta, Nicolas Antonio Pina-Lampe, secretario y Roberto Lopez Henriquez, tesorerero. Na tur e banconan di Aruba, cuentan a ser habri y na unda e interesadonan lo por deposita nan contribucion. E comite ademas ta consisti di: Pastoor N.C. Erkamp, Iglesia

Catolica, Domi A. Jakobs, iglesia protestant, B. Viapree, representante iglesia metodista, R. G. Bennett, iglesia Anglicana, K. Norder, ANAAB, seccion Aruba, C. Whitfield, presidente Camara di Comercio, Mr. Dekker, secretario A.T.I.A., Beaujon, presidente Aruba Li Club, J. van der Schoot, presidente Oranje Vereniging, S. Berlinski, Comunidad Israel, C. Kip, representante Aruba Social Unie, Ernest Villanueva, presidente Junior Chamber, Margo Croes, representante Santa Cruz, Seriano Luydens, representante Noord, Nina Schwengle, representante Savaneta, Sra. Lou Oduber, representante Oranjestad, Sra. M. Chong-Croes, representante San Nicolas, Maj. Romijn, Comandante Mariniekazerne Savaneta, H. Trinkle, presidente Aruba Rotary Club, R.E. Muller, representante go, R. van Blaricum, representante Aruba Chemical Industry, F.L. Maduro, presidente IOW, E.E. Maduro, presidente OC, J. Hart, presidente H.W.U.

Concierto di Pascu

ORANJESTAD—“Aruba Community Christmas Choir” baw di eccion di Sra. Doris Thompson duna su di dos presentacion a 9 di december pa 8'or di anochi den Iglesia Protestant na Oranjestad, Sr. G. Miller lo acompaña e Coro cu e organo Baldoni.

Este programa tin obranan di Beethoven, Haendel y Haydn, y tambe tradicional canticnan di pas di tur parti.

Esaki ta e di diez anja cu baw eccion di e mesun dirigente, Sra. Thompson, cu tal concier-tonan ta tuma lugar. E coro y e dirigente ta spera cu esaki lo engrandece e ambiente di Pascu. Entrada na e dos conciertonan ta completamente gratis.

Trafico den haf

ORANJESTAD—E trafico den haf di Aruba, durante luna di tober ultimo, a bai atras compara cu luna di october di anja pa-pa. E cifranan tocante e dos lunarnan menciona ta e siguiente: na tober 1966

1 tanker cu 2,801,264 ton.
1 otro barco cu 228,458 ton.
6 barco cu 3,029,749 ton

tober 1965

1 tanker cu 2,927,029 ton.
1 otro barco cu 279,106 ton.
0 barco cu 3,206,194 ton.

lenk Meyer condecora

ORANJESTAD—Algun dia pasa Hank Meyer, director di e firma Hank Meyer Associates, cu haci publicidat pa Aruba na Estados Unidos, a worde tuma na “Gallery of Fame” di estado Florida.

Honor grandi aki, cu den historia di e estado Florida te cu a worde duna na solamente persona, ta worde concede na personalidadnan importante cu a contribui pa e desarollo y progreso di e Estado Florida. Algun a pasa, sr. Hank Meyer ya worde honra pa e directiva di ciudad di Miami Beach, pa motivo di su parti grandi den e desarollo di Miami Beach na un di mas grandi centronan turistico.

Modeshow na beneficio di carnaval

ORANJESTAD—Por di awor casta reina hopi interes pa e modeshow cu La Linda ta organisa e Stichting pa celebracion carnaval na Aruba.

Modeshow aki, cual a hanja nomber di “La Linda Christmas Parade”, lo worde teni dia 14 di december pa 8'or di anochi den Hotel Strand. Durante e modeshow, un grupo aguilados y trio Huasteca lo recura pa canto y musica.

Modelonan cu lo tuma parti na e show di diarazon 14 di december ta:

Lina Hernandez, Johanna Roos, Irma Ras, Emma Leo, Mercedes Oduber, Marieta Luidens, Sa de Kort, Lies Bislick, El-Yarzagaray, Jessica Janga, Betty Croes, Filomena Croes, Alisonson, Gloria Croes, Shetel-Ponson, cu tambe mester a tuma parti den e modeshow, mester a tira pa motibo di luto. Na nan par lo bin algun otro modelo.

CHAUFFEUR BURACHI A CAUSA CHOKE.

SAN NICOLAS—Diez pa tres diahuebs marduga tabatin un choke den Bernhardstraat na San Nicolas entre dos pick up. E chauffeur di un di e pick-up nan a dal e otro pick up cu tabata staciona. Un hoben di 17 anja den un di e pick-up nan a hanja un corta na su cabez. El a ser transporta cu ambulancia pa hospital na unda el a keda pa observacion. Despues a bin resulta cu e chauffeur cu a causa e choke tabata baw di influencia di alcohol y no tabata por a stuur. Danjo material tabata fls. 350.—

NEGLIGENCIA DI PREFERENCIA.

Na e cruzada di Wilhelminastraat y Adriaan Lacle Boulevard pa diez pa diez un di e anochi di diez pa diez un di anochi un V-auto no a duna preferencia na un auto di famia. Danjo material tabata fls. 1000.—

Diasabra pa cuarto pa cinco di atardi un choke a tuma lugar na e cruzada Isaac Wagemakerstraat y Bernardstraat entre tres auto. Motibo ta cu un di e autonan a bai dal tras di un otro cu tabata para y esaki a bai dal un otro vehiculo. Danjo material tabata fls. 1150.—

Diadomingo Marduga pa diez pa cuatro un auto a slip na Poschikito ariba e caminda muha y a bai dal den un bordje di trafico. Danjo material fls. 370.—

TA BUSCA

Un mucha muher balente pa trabao di cas.

Tambe ta bende un lampi di colga, tapijt, frigidair digas, un motor di Delco, un caha grandi (5 meter cubico)

acudi na: Jurriens, L.G. Smith Boulevard 472, Malmok.



EL REY DEL TRAGO

Tin un

SORPRESA
Pa su consumidornan

MIRA BAO DI E
TAPA DI CADA
BOTTER
RON REY
DE COPAS

Pa mas informacion:

Aruba

Distilling

U THANT A ACEPTA SEGUNDO PERIODO NA CABES DI NNUU

NACIONNAN UNI -- UPI -- E secretario general di Nacionnan Uni, U Thant, a inicia su segundo periodo di cinco aña na cabes di e organisacion mundial, y a priminti di lo traha sin descanso pa paz na Vietnam.

E diplomatico Birmano, quende ora qu e a acepta un periodo di mandato nobo di cinco aña, a causa un sensacion enorme di alivio den e organisacion mundial a priminti den Asamblea Generalayera qu lo e probecha di tur ocasion pa recorda qu guerra mester caba.

Thant a declara qu el a tuma aden en vista di e peso abrumador di opinion ora qu el a acepta un periodo nobo como secretario general di e organismo mundial.

Di e 121 paisnan presente, 120 a vota pa fabor y ningun a vota contra, pero un voto a ser de-

clara invalido. Comoquiera qu e votacion tabata secreto, no tabata posibel determina ta cua delegacion a deposita un voto invalido.

“Lo mi continua considerando como mi mester hasi tur mi esfuersonan, riba un base personal, pa contribui na promove un solucion qu lo hiba paz y husticia pa pueblo di Vietnam”, asina e secretario general a expresa emocion a yera tardi.

Thant a duna base na e versionnan di qu Union Sovietica y Francia, qu ta e paisnan qu mas debe na Nacionnan Uni, a priminti di hasi contribucionnan voluntario pa alivia e crisis financiera

qu for di basta tempu e organisacion a bini ta sufr di dje y el a declara al respecto qu “e situacion financiera di e organisacion lo ta considerablemente aliviada pa e actonan di varios estado ta considerando.”

Sinembargo, asina el a continua, nos mester reconoce qu e organisacion aki ta enfrentando un periodo dificil y por cierto crucial. El a declara di qu e ta convenci di qu Nacionnan Uni lo continua di ta e mihor instrumento cu cual nacionnan por coopera pa desarollo y paz di nan pueblo-

Promer qu Thant a anuncia qu el a acepta e nombramentu pa un periodo mas e consejo di seguridad qu a presenta e proyecto di resolucion riba su eleccion, a declara qu sea cual sea su decision, e miembronan di e consejo di seguridad lo respetele.

BOYCOT CONTRA ARGENTINA NO TIN MASHA EXITO AINDA

LONDRES --UPI-- Un fuente bon informa a bisa qu e yamado internacional di un boicot contra e cargamentunan bordo di barcunan argentino ta hafia masha poco exito te ne momentonan aki na Inglaterra.

E Federacion Internacional di Trahadornan di Transporte recientemente a decreta e boicot den protesta contra loke e federacion a bisa tabata “leynan y decretonan dictatoriales” qu a ser decreta contra e gremionan di estibadornan, trahadornan den e sistema ferroviario y tambe esnan di barcu, pa parti di e Gobierno argentino.

E fuente a agrega qu nan a hasi esaki despues di un sesion agita y tumultoso di nan gremio, esun di transporte.

Den e reunion, e dirigentenan gremial a bisa qu e comerciantenan y e publico britanico lo resulta mas perhudica qu e Gobierno di Argentina, si carni no ser descargá.

A raiz di esey, e estibadornan a acepta na descargá e barcu argentino “Uruguay” qu tabatin 12 mil ton di carni congelá.

E fuente a bisa qu actualmente no tin ningun otro barcu argentino den e haf aki. Ela agrega qu ta posibel qu e barcunan qu yega cu carni lo ser descargá. Importacion anual britanica di Argentina tin un balor di 56 million libra esterlina di cual mas di 30 million ta pa carni.

Un vocero londinense di e Federacion a bisa qu su Organizacion ta insisti qu e boicot a ser propone pa ser mantene totalmente. Funcionarianan di e gremio local a nenga na duna comentarios.

Harry Nicholas secretario ge-

neral di e gremio a bisa; “Mi no sa nada di e forma den cual e boicot den e hafnan britanico ta opera. Mi tabata den exterior. Nicholas a bisa qu tabatin unicamente un funcionario gremial quende por a papia di e asunto y e no tabata disponibel pa awor aki.

Mexico, D.F. --UPI-- Un avion Boeing 727 nobo, qu a costa cinco million dollar, a cai ora qu e tabata baha na aeropuerto internacional di e ciudad aki despues di un vuelo di practica.

E dañonan di e avion, qu ta pertenece na Aerolineas Mexicanas, ta ser calcula den mas o menos 800 mil dollar, segun fuentenan extraoficial. Ningun di e lpersonanan a bordo a sufr lesionnan.



Prome ministro di Rusia, Alexei Kosygin a hasi un bishita oficial na Paris. Durante su bishita, el a papia cu e embajador di Merca na Francia Sr. Charles Bohlen na un recepcion cu a ser duna door di Gobierno Frances. Prome ministro Kosygin a duna un discurso den cual el a ataca fuertemente e elementonan Facismo cu ta reapariendo den Alemania Occidental. El a critica cu e elementonan aki ta ignorante como semper. --UPI -- Radiophoto --

PAGINA DEPORTIVA

PRESENTA

PA:



RCA y Bubali a bolbe empata

(Di nos Redactor Deportivo)

ORANJESTAD- Despues di un siman di inactividad di e oncenanan di futbol debi na e awacero cu a cai dia tras dia ariba nos isla, e campeonato di e division major a reanuda diasabra anochi den Wilhelminastadion cu e importante wega entre Racing Club Aruba y Bubali. E condicion di tereno pa tres wega tabata asina malu cu e referi encarga cu dirigi e weganan ey a desapropa e tereno loke tabata tin como resultado cu e tres weganan mester a keda cancela. Esaki naturalmente ta causa cambionan den e programa di e campeonato insular.

Atrobe un numeroso publico a hasi acto di presencia diasabra anochi pa ta testigo di e partido R C A y Bubali. Y e publico a goza un biaha mas di un wega hopi interesante cu momentonan di bunita y bon futbol. E tricolornan di Solito a presenta un equipo hopi hubeneci. Den linea delantera por ehempel tabata ausente e veterano Juchi Jansen, tumando su luga e peligroso Hart. Ademas e linea delantera tabata tin cuater cara hoben den personanan di Mai Dirks, Kwidama y Theo Bernabela. E quinteto tabata completa door di e midvoor Cheppy Ras. Consecuencia di e hobennan den e equipo naturalmente tabata un wega mas rapido y movi.

Iniciativa pa e promer atakenan a wordu tuma door di e equipo di Solito. Un shot duro di volante Simon Lampe a rebota contra di e tubo horizontal bin back den tereno.

E proximo intento di R.C.A., haci den di 6 minuut, si tin exito. Cu bon combinacion e duo Cheppy Ras y Mai Dirks ta penetra den e defensa di Bubali, caminda tabata falta ainda e back central Leon Kelly. For di un grupo di hungador Dirks a pone un shot cu a coi e skina drechi bai para te den net pa pone R.C.A. adilanti 1-0.

Cu hopi entusiasmo e tricolornan ta sigi forma atake. Otro shot di e mes Mai Dirks despues di ricibi pase di linksbuiten Hart, ta pasa over di gol.

E gol cuida pa Pupy Diaz, portero di R.C.A., no ta keda sin pasa momentonan di peligro. Un atake di Bubali den di 18 minuut ta resulta den corner. Sonny Tromp ta esun cu ta cobr'e pa pone e bala haitu dilanti di gol, caminda Ange Perez ta bula y kop den skina caminda keeper Diaz no tabata. Sinembargo tabata tin un defensa di R.C.A. coloca net ey cu a percura pa debolbe e bala.

Mas biaha e linea delantera di Bubali ta trece e bala awor den vecindario di e gol tricolor. Ta bolbe resulta e homber peligroso den e avansenan aki Ange Perez. Adelantero ariba ala drechi, Ange ta yega e bala net promer cu keeper Diaz y ta hala esaki. E posicion di Ange pa shot sinembargo ta sumamente dificil y den forma inteligente e ta hun-

ga e bala dilanti di gol. Net na ora ta surgi pia di e defensa tricolor Juan Sanchez pa kita e bala for dilanti di Eckmeijer cu tabata den bon posicion pa ricibi e pase.

Luego un shot duro di Perez ta wordu desvia cu uitval door di keeper Diaz pa bira corner.

EMPATE

Cu e mes entusiasmo y velocidad di e promer mitad, e dos equiponan ta sigi lucha despues di sosiego.

Tres minuut despues di e reanudacion e gol di empate ta nace. Un atake di Bubali ta resulta den otro corner ariba ala drechi. Atrobe Sonny Tromp ta pone e bala haitu dilanti di gol caminda Ange Perez ta bai haitu y kop den skina completamente for di alcance di e portero Pupy Diaz. Un otro bunita hugada di e sensacional Ange Perez cu a resulta den su gol number shete di e temporada, loke tabata bon pa pone e score na 1-1.

Flocker cu a drenta algun minuut promer cu halftime varios biaha ta trata di sorprende e portero tricolor cu shotnan largo, pero e curazolenjo no tabata tin e direccion correcto di e gol.

Bubali ta poniendo prestion, pero e defensa di R.C.A. ta logra contene nan.

Den di 58 minuut gol di Bubali ta pasa un momento peligroso, un momento di angustia especialmente pa e damanan tan fanatica di Bubali. Un avance di R.C.A. ta muestra manera resulta inofensivo ora cu un defensa di Bubali ta podera di e bala y ta haci pase pa keeper Frans Giel. Sinembargo a surgi den forma completamente inespera entre keeper Giel y e defensa, e delantero Theo Bernabela di R.C.A. Esaki a sali for di entre diferente hungador di Bubali, tuma e bala pero a keda den posicion dificil pa por a shot correctamente den gol. For di hopi cerca e shot di Bernabela a sali na banda.

Despues di a wordu obliga di bai den defensa pa basta rato, e equipo di R.C.A. ta cuminsa reacciona pa duna e defensa di Bubali trabao. E nivel di wega ta keda hopi rapido cu momentonan interesante.

Combinacion entre Tony Eckmeijer y Remigio Jacobs di Bubali den di 77 minuut haci ariba ala-

robes ta trece otro instante di bunita wega. Finalmente un fuerte shot di Jacobs ta wordu garra den gran forma door di keeper Diaz.

Tambe keeper Frans Giel ta duna demostracion di su talentonan ora cu faltando dos minuut pa wega caba, e activo Edwin Dirks di R.C.A. ta pone un shot haitu den gol. E bala tabata bayendo cu tur marca di por resulta un anotacion, pero e portero di Bubali a cerra cu broche di oro su bon actuacion di e anochi garando e bala cu agil salto. Despues di esey ya e portero di Bubali no a haya bala mas e anochi. E equiponan a keda ta busca e gol cu por a nifica un punto mas, pero ningun di e defensenan a permiti esaki. E scoreboard marcando un gol pa banda, e wega a termina.

Tabata sin duda algun un wega interesante cu bon futbol y cu a laga e numeroso publico completamente satisfecho.

Un futbol rapido, cu apenas algun infraccion personal, y di hopi tino ambos oncena a demostra. Tabata tin hugadanan interesante y combinacionnan inteligentemete forma. En breve, un bon wega.

Pa R.C.A. esaki ta empate number cinco di e temporada, loke ta pone su total di punto na 11. Pa Bubali esaki ta su tercer empate y nan tin awor total di 13 punto continuando den e segundo puesto tras di e dakotjonan. Den e promer rond tambe R.C.A. y Bubali a empatá, pero na cero gol.

Actualmente e promer cuater puestonan ta di Dakota cu 15 punto, Bubali cu 13 punto, Tropical cu 12 punto y R.C.A. cu 11 punto.

E carrera pues ta bayendo hopi preta, loke ta haciele sumamente interesante.

Cambio den programa internacional

(Di nos Redactor Deportivo)

ORANJESTAD--Diasabra awor dia 9 ta wordu spera cu un avion charter for di Caracas, e equipo di futbol Deportivo Central Madeirense. E programa di dos wega contra di e visitantenan a wordu cambia un poco door di e directiva di A.V.B. Awor a keda dicidi cu e promer wega, senjala pa diasabra dia 10 den oranan di anochi lo ta contra di Bubali, mientras cu e segundowega pa diadomingo dia 11 den oranan di atardi lo ta contra di Dakota.

Un cambio di fecha pa e dos equiponan local.

E equipo procedente for di Venezuela lo bin reforsa, loke ta promete e fanaticonan di futbol un weekend di futbol hopi interesante.

En relacion cu e weganan aki tur wega di futbol ariba programa pa diadomingo dia 11 ta keda cancela.

DENTISTA Y PISCADO



Den e dianan aki nos a ricibi for di Venezuela e foto aki y algun nota tocante e actuacion di diputado dr. Gustavo Oduer den e ultimo torneo di pesca cu a tuma lugar algun siman pasa na Punto Fijo, Venezuela. E foto ta muestra e diputado para banda di un balente balahu cu el a captura riba e prome dia di pesca. E nota cu nos a ricibi for di Venezuela, ta bisa lo siguiente:

"E arubano Gustavo Oduer a salba e dia cu un solo pisca cu ora cu el a ser poni den e balanza, a marca 26,600 kilo, motivo p cual el a sinti su mes masha satisfecho ya cu el a obtene e mayor puntaje individual.

"E lancha 'Lady Chantal' tabata hopi aleja di e otro barconan competidor- asina Oduer a bisa- y tabata na e Punta de Macoy na unda nos a captura e pisca". Mas aleu el a manifesta cu e mester bringa mas di mei hora cu e animal.

"Ademas mi no ta custumbra cu uso di e linea di 12 liber di resistencia, ya cu na Aruba semper nan ta usa linea di 60 y 80 liber. Doctor Oduer, kende su welonan a nace na Capatárida (Estado Falcon), ta odontologo (dentista) y e ta traha como tal.

"Pero tambe mi ta gusta pesca deportiva y desde cinco anja caba mi ta practica e deporte aki cu regularidad", asina el a manifesta seguidamente.

Den e tempo aki ta prome biaha cu el a captura un balahu y manera semper e animal a muri pa boca, pero pa un dentista.

Bo a corda riba bo zapatonan caba?? NO !!

Wel, no tarda mucho, trece y TUMA nan na tempo, pa bo no keda DESAPUNTA. Asina tambe bo ta participa den nos campaña di PREMIOS.

ZAPATERIA

Un servicio

duradero y garantizá

Ch. B. BAARH Jr. - Zandstraat 3

Oranjestad, tel. 3290

Paróid di Hospital San Pedro

Nos tin tur articulo pa zapato

STOCK MARKET

Addressograph	--	Lockheed Aircr.	62 3/8
ACF Ind.	--	Loew's Inc.	25 1/4
Allied Chemical	32 1/2	Lonestar Cement	14 3/4
Allis Chalmers	20 7/8	Mont Ward	26 3/4
Aluminium Co.	75 7/8	Monsanto	39 5/8
Amerade	75 1/8	Nat. Acme	--
Am. Can.	47 1/4	Nat. Cash. Regist.	68 5/8
Am. Foreign Power	17 3/8	Nat. Distillers	38
Am. Metal	41 3/8	National Lead	54 1/2
Am. M. Fdy	--	New York Central	65
Am. Std.	16 3/8	No. Am. Aviation	--
Am. Smelting	57 1/2	Olin Mathieson	56 1/4
Am. Tel. and Tel.	53 3/8	Otis Elevator	36 1/8
Am. Tobacco	31 1/4	Pac. Gas & Elec.	34 7/8
Anacosta Copper	77 7/8	Pan. Am. Airways	54
Armour	29 1/2	Paramount Pictures	--
Atlantic Refinery	90 5/8	Penn Railroad	50 1/8
Atl. Castle	--	Phillips	49 3/4
Balt Ohio	--	Public Service E.G.	35
Bell Int	--	RCA	44 3/8
Bendix Aviation	32 3/8	Republic Steel	37 7/8
Bethlehem Steel	28	Reynolds Tobacco	36
Blaw	--	Royal Dutch	35
Boeing Airplane	63	Servei	--
Canadian Pacific	50	Sinclair Oil	--
Caterpillar	36	Shell Oil	64 1/4
Case (J.I.)	18 3/8	Sears Roebuck	49
Cerro de Pasco	39 1/8	Socony Mobil Oil	--
Chesapeake & Ohio	61 1/8	South. Co.	--
Chrysler	31 1/8	South. Rail	43 1/4
Columbia Gas	24 5/8	Sperry Rand	28
Con. Ed.	32 3/8	Standard Oil of Cal.	62 3/4
Cons. Elec. Ind.	39 1/2	Standard Oil of Ind.	52
Cong. Nan	--	Standard Oil of N.J.	63 7/8
Continental Can	39 3/8	Standard Brands	34 1/8
Continental Steel	26 1/2	Stone Webster	--
Corn Products	47 3/4	Studebaker	37 3/8
Crown Zellerbach	45 1/2	Swift & Co.	40 3/8
Curtiss Wright	19 1/2	Texaco	72
Det. Edis.	--	Texas Gulf Sulphur	108 1/8
Douglas Aircraft	44 1/8	Texas Instruments	104 3/8
Dupont Nemours	151	Textron Inc.	49
Eastman Airlines	75 7/8	Timken Roller Bearing	33 3/4
Eastman Kodak	118	Twentieth Century Fox	34 3/4
Western Bancorp	31 1/8	Union Carbide & Carbon	46 1/8
Firestone	--	Union Pacific	38 7/8
Ford Motor	39 1/8	United Aircraft	80 3/4
General Electric	98 3/8	United Airlines	--
General Foods	74 3/8	United Fruit	27
General Motors	67	United Gas Corp.	52 1/4
Gillette	41 3/8	United Steel	36
Glidden Co.	22	United Gypsum	54 7/8
Goodrich	--	U.S. Rubber	40 1/2
Goodyear	41 3/4	U.S. Smelting	49 1/8
Grace	41 3/8	Warner Bros.	18 1/8
Greyhound	--	Westingh. Air Brake	30 1/4
Gulf Oil	--	Westingh. Electric	52 1/8
Hud Bay M.	--	Woolworth	19 1/2
Hupp	--	Dow Jones Index	789.47
IBM	367	Ark La Gas	36 1/4
Insp. Corp.	--	Brit. Am. Oil	28 1/2
Int. Harvester	34 3/4	Brit. Petr.	9
Int. Nickel	82 7/8	Creole Petr.	29 1/8
Int. Tel. and Tel.	74	Electron Spl.	19
Johns Manville	48 1/8	Espey Mfg.	8 1/4
Jones and Laughlin	45	Giant Yell	715/16
Kan. City So. Ind.	--	Husky Oil	10 7/8
Kennecott Copper	36	Norl. So. Ry	37 1/2
KLM	100 1/4	SBD. W. Air	24 3/8
Koppers	--	Seeman Br.	3 3/4
Kroger Co.	21	Syntex	74
Lehman Corp.	30 1/8	Tech. Mat.	8



Platillon volador riba Manhattan? No, esaki ta un foto tuma door di bentananan di un trein di "Long Island Rail Road", cual tabata pasando den un sector solea di Queens. E bista cu nos por mira ta e ciudad di New York y e platillon volador cu nos ta mira ta e luznan cu ta den plafond dje trein. --UPI - Radio-photo.

JORDANIA TA DECIDIDO NA DEFENDE SU FRONTERANAN

AMMAN -- UPI -- Rey Hussein a acusa Siria, y Republica Arabe Uni di ta haciendo tur esfuersonan pa "yuda nan camaradanan socialista pa kita Israel for di e territorio di Palestina.

A traves di Radio Amman, Rey Hussein a bisa mundu henter qu Jordania lo enfrenta e perturbadornan qu ta opera na e fronteranan, "sin piedad y cu mannan di heru".

E monarca hoben a bisa qu pa Jordania e estado di guerra cu Israel ta continua y qu esaki lo continua te ora qu un di nos a gana e derecho di regresa Palestina of ora qu nos ta morto cada.

Rey Hussein tambe a fustiga e estadonan antimonarco qu a hasi propaganda contra e y su Gobierno for di dia qu e atake israeli a tuma lugar.

Hussein a recorda qu Jordania a enfrenta un plan israeli di desvia e awanan di rieuw Jordan "mientras qu ne mes momento mayoria di e funcionarianan ara-

be tabata hinka cabes den santu pa no mira nada.

Den un evidente referencia na Republica Arabe Uni, ela bisa qu "esnan qu ta bon conoci pa nan mal propagandanan, keriendo qu nan ta leeuw for di peliger, israeli, a laga Palestina".

"Nan a descuida Palestina y e pais nan-arabe y a liquida e causa palestina na beneficio di nan camaradanan socialista y revolucionario", asina e monarca a bisa.

Siria y Egypto a pone presion riba Jordania pa e acepta ayuda y

armanan for di e bloque sovietico. "Boso kier pa Jordania ta un victima nobo pa cumpli sudiabolo plan caba ya qu Jordania ta sigi ser e unico obstaculo ante e agresion israeli", asina e Rey hoben a agrega cu un tono rabia.

Refiriendo tambe na e atakenan racial di Cairo y Damasco, qu ta censura Jordania pa motibu, di ta nenga na permiti qu forsanan di comandonan encabesa pa egypcionan ta hasi nan entrada den e pais Hussein a bisa:

"Nan ta lubida evidentemente e reunionnan secreto den cual nan a admiti qu nan no tabata contra cu forsanan suficiente pa join defensa contra di Israel pasobra nan tabata haciendo pasonan pa enfrenta e guerra na Yemen".

**ABONA
ARUBANSE
COURANT**

embalsenan qu a ser azota pa crecemento rapido di e rieuw-nan.

MOSCU -- Mariscal Georgi K. Zhukov, heroe di segunda guerra mundial quende a cai den desgracia na 1957, awe, dia cu ela cumpli 70 aña di edad, a ricibi e orden di Lenin. Esaki ta e homenaje di mas grandi qu Kremlin ta duna Zhukov for di dia qu ela bandona e puesto di ministro di defensa na 1957, acusa di atrata na pone ejercito rojo riba Partido Comunista.

AMMAN -- Rey Hussein a acusa Siria y Republica Arabe Uni di ta haciendo tur esfuersonan pa "yuda nan camaradanan socialista pa kita Israel for di e territorio di Palestina. A traves di Radio Amman, Rey Hussein a bisa henter mundu qu Jordania lo enfrenta e perturbadornan qu ta opera na e fronteranan "sin piedad y cu mannan di heru". E monarca a bisa qu pa Jordania e estado di guerra cu Israel ta continua.

NEW YORK -- E sindicato di transporte a anuncia di qu nan a yega na principio na un acuerdo cu e aerolinea "Pan American World Airways" riba un

contrato laboral colectivo cual su ofrecimiento qu a ser hasi na ultimo ora pa e empresa, a persuadi e gremio pa cancela un welga di 13 empleado di esaki, mas o menos 15 minuut prome qu e proclama pa e welga. 16,600 pasajero a scapa na wowo di angua. E compania a hera di perde 1,600,000 dollar ey nan.

GAINSVILLE (Florida) -- E delegacion di Cuba den exilio qu ta asisti na e di 17 conferencia anual di Caribe a expresa nan oposicion na e proposicion di un profesor di un universidad di Puerto Rico pa qu Estados Unidos reconozca Cuba Comunista. E otro miembronan tabata di opinion qu "negocia cu Castro ta imposibel debi na qu ta unicamente e terminonan qu Castro propone mester ser discuti riba dje."

CORDOBA, -- Argentina -- Un tormenta di awaceru y hagel a causa danjonan den e ciudad aki qu ta keda den centro di Argentina y a laga un saldo atras di mortonan qu ta ser calcula den 14, di acuerdo cu informacionnan di polis. Antanan a ser lastri bai cu e, casnan inundada y a destrui castillanan di emergencia.

PERISCOPIO MUNDIAL

LONDRES -- Un fuente bon informada a bisa qu e yamado internacional di boicot contra e carmentonan bordo di barcunan argentino ta hanja masha poco exito te ne momentonan aki na Inglaterra. E federacion Internacional di Trahadornan di Transporte recientemente a decreta e boicot den protesta contra loke e federacion a bisa tabata "leynan y decretonan dictatoriales" qu a ser decreta contra e gremio di estibadornan.

NEW YORK -- E comunistanan, a bolbe cuminsa hinka inquietud den gobierno nan latinoamericano, segun un informe for di Chile, ora cu establecimiento di un universidad nobo pa guerrilleros na ser unda na Cuba. E graduadonan, segun e informe, lo ser manda pa paisnan di e continente aki y pa Asia y Africa pa fomenta e

"guerranan popular". E gruponan nobo di guerrilleros ta ser di entrena door di instructornan qu a yega for di Vietnam del Norte.

WASHINGTON -- Departamento di Estado Norteamericano a nenga na comenta un informe di qu e Oficina Federal di Investigacionnan (FBI) a instala un aparato interceptor den e linea telefonica di e embajada dominicana na Washington na 1961. E noticia aki a sali den e columna di Drew Pearson y Jack Anderson qu a ser publica awe. Eja bisa qu e hecho a tuma lugar durante un investigacion di e actividadnan di Bobby Baker, exsecretario di senado mericano.

MEXICO, D.F. -- Un avion Boeing 727 nobo cu a costa cinco million dollar a cai ora cu e

tabata baha ne aeropuerto internacional di e ciudad aki despues di un vuelo di practica.

E danjonan di e avion, ta ser calcula den mas o menos 800 million dollar segun fuentenan extraoficial. Ningun di e personanan cu tabata totaliza 11 a sufrir lesionnan.

ROMA -- Alarma a extende su mes pa e region noord-central di Italia ayera nochi ora cu rieuwnan a sali for di nan orilla en vista di e inundacionnan di mas grandi for di despues di un luna pasa.

Nan a moviliza solda, polis y voluntarionan pa evacua eventualmente e habitantenan di e zonanan den peliger pa e inundacionnan, reforzando tambe e

DEALNAN DEN BASEBALL

PITTSBURG --UPI -- Tratoman ta sigui wordu hasi den baseball di Grandes Ligas. E pitcher Juan Pizarro a ser adquiri pa Piratas di Pittsburgh, pero e cantidad di placa no a ser revelada.

Manera nos a anuncia caba, Derrell Griffith y Tommy Davis di Los Angeles Dodgers a bai pa Mets di New York a cambio di e segunda base Ron Hunt y outfielder Jim Pickman.

E tercera base Clete Boyer a ser cede na Yankees di New York pa Bravos di Atlanta a cambio di e outfielder Bill Robinson. Outfielder Don Lock, a ser cede pa Senadores di Washington na Phillies di Philadelphia a cambio di e pitcher Darold Knowles y un cantidad di placa en efectivo.

E pitcher Dean Chance y un hungador di Liga Menor cu lo ser menciona despues a ser cede na Mellizos di Minnesota pa California Angels a cambio di e primera base Don Mincher, e outfielder Jimmie Hall y pitcher Pete Cimino.

E shortstop di Los Angeles Dodgers Maury Wills a ser cede na Piratas di Pittsburgh, pa e tercera base Bob Bailey y shortstop Gene Michael.



Na Paris tur aña ta tuma lugar un feria di Aviacion. Na e feria aki tur paisnan Europeo y tambe Merca ta participa ne. E obhetivo dje feria aki ta pa demostra tur clase di avionnan cu ta wordu traha y tambe e materialnan pa e avionnan aki. E Feria aki cu nos por jama tambe un exposicion, ta trese tur clase di mironesnan y tambe un gran cantidad di comprador. Sigun nos a ser informa na e ferianan aki, pedidonan pa avion y equipo ta wordu pone pa varios millon di dollar.

Tambe na Merca un exposicion similar asina ta tuma lugar tur aña. Aki na Corsow tambe algun aña pasa algu similar asina a ser

organisa. Aki tabata trata mas di e avionnan cu tabata na nos disposicion di KLM, Aero Club Curacao y e avionnan Jet cu a bini cu Karel Doorman. Tambe un demostracion a ser duna e dia ei cu e varios avionnan aki. Lo tabata bon si nos por a recomenda e autoridadnan competente pa trata di organisa aki tambe na Corsow tur aña un exhibicion similar manera esun cu ta tuma lugar na Paris. Asina nos por atrae avionnan di Merca y Europa, cumpradornan di henter America Central y Sur America y nos ta quere cu esaki lo stimula turismo mas na Corsow.

Corsow di seis den Caribe riba tereno di Turismo

NEW YORK -- UPI y La Prensa -- Durante di aña 1965, un cantidad record di turista americano a bishita e paisnan den Caribe.

Segun Caribbean Travel Association, un total di 2,519,082 a bishita e islanan di Caribe.

Durante 1966, e record bleeuw aki lo ser kibra, ya ku ta ser calcula caba qu e aña aki mas di 3. millon bishitante a bishita e islanan di Caribe.

Si nos publica un lista di acuerdo cu e popularidad di cual e islanan ta goz a di dje, of miho dicho, segun e cantidad di turista qu a bishita nan, nos ta haña e siguiente lista.

Na promer lugar Puerto Rico, sigui na segundo lugar pa Virgin Islands di Merca, Jamaica na di tres lugar, Trinidad y Tobago na di cuarto lugar, Barbados na di quinto, Corsow na di seis, Martinique na di siete, Antigua na di ocho, Aruba na di nueve, Grenada na di dies, St. Maarten (incluso Saba y St. Eustatius) na di diesun y Guadeloupe na di diesdos.

Lo ta bon hasi e mencion aki qu e agencia qu a compila e datonan aki, qu ta Caribbean Travel Association, ta agrupa di Virgin Islands, di manera qu nan por yega na e di tres lugar riba e lista mientras qu e islanan di Antillas Neerlandes, cada unu ta ser calcula riba nan mes, y te hasta ora menciona St. Maarten, e ta ser publica cu den St. Maarten ta inclui Saba y St. Eustatius.

Nos ta sigur qu si e total di turista di henter Antillas Neerlandes a ser compila anto lo nos por a crea un impresion mas popular cerca e turistanan norteamericano.

Y esaki ta algu qu La Prensa a bini ta aboga pe varios aña caba. Nos ta completamente di opinion qu di e seis islanan den Antillas concentra e esfuerzoden nan propaganda y tambe e loque ta ser yama "package tours", anto indudablemente esakilo ta na beneficio di tur e seis islanan huntu.

Actualmente ta asina qu cada un di e islanan aki ta gastando capitales pa hasi propaganda mientras qu toch e montante pa un mercado grandi manera ta esun di Estados Unidos, ta poco.

No ta existi duda cerca ningun di e expertonan qu si e seis islanan aki pull e placa qu nan tin disponibel pa hasi propaganda cu ne, qu e resultado di nan lo ta muchu mas miho qu e ta actualmente.

Union ta forza, ta un proverbio, masha conoci, pero unu qu aparentemente ainda Antillanonan no a sifa conoce manera mester ta. Te ainda nos no kler uni nos forzanan pa asina logra dicaptura un mercado mas grandi riba e terreno di turismo.

Te ainda nos ta kere den plei-

ta riba cos chikitu, mientras que cosnan importante ta corre pasa nos dilanti y nos probecha nan pa via qu ainda hopi di nos ta pensa demasiado chikitu.

Ta spera qu otro aña, ora qu probablemente bini un Bestuurscollege mas activo, y un Bestuurscollege qu lo por comprende esnan di Bonaire, Islarriba y Aruba miho, qu porfin Antillas Neerlandes lo por yega na un tur sorto di cooperacion pa hasi nos propaganda colectivamente y asina hopi mas efectivo qu awor ta e caso.

Laga nos spera qu ora qu Caribbean Travel Association, na final di 1967 publica su lista di popularidad qu e por bisa qu Antillas Neerlandes ta sea number unu of number dos den e area di Caribe.

ANN LANDERS

Querida Ann Landers -- Mi tin 25 aña casa cu un muher qu ta sufri di "sclerosis multiple", qu ta un enfermedad qu ta hasi hende mancaron.

Si mi trabao tabata di 8 pa 5 atardi, lo mi bida tabata basta facil ainda, pero den e caso ei lo mi mester a busca un hende pa compaña mi casa. M'a regla mi asuntunan di tal manera qu semper mi ta serca banda di dje sin qu necesariamente mi ta un enfermera pe.

Mi ta doño y mi mes ta explota un campamentu di verano pa mucha homber mientras qu den invierno mi ta explota un lugar pa practica deporte di ski.

Mi mes ta un homber activo di 47 aña di edad qu por disfruta inmensamente di subi serru, corre ski, corre cabal, bai kampeer y pisca pero e loque mi ta perdiendo den bida ta pone qu mi ta perdiedo cabes.

Lo mi kler a duna kiko qu ta pa pone mi braza rond di un muher y sinti su brazanan rond di mi garganta. Mi tin gana di cana drenta un comedor di restaurant cu un muher na mi lado. Mi tin gana di lancha y balla cu un muher qu ta comparti mi amor pa naturalesa.

Simplemente mi tin mester di un muher cu quende mi por hasi algu otro qu no ta simplemente sinta banda di dje of e banda di mi.

Ta posibel pa mi busca y participa na e placernan aki cu otro muhernan sin qu mi compromete mi mes emocionalmente. Kiko mi mester hasi? Que hubo di otro hendenan qu ta casa cu hende mancaron?

Bo por duna mi poco consejo realistico -- FIRMA SCONDI.



Querido amigo : Lo tabata facil pa contesta cu palabranan grandi qu no ta bisa nada pero bo franqueza y honestidad merece un otro contesta.

Frecuentemente ora qu mi tin conocimiento of experiencia den un ramo, mi ta yama un experto pa puntrele su opinion. E experto qu m'a pidi bo pa contesta bo carta ta un colega di mi na Chicago.

Su contesta ta bal mas tantu qu esun di mi, ate aki: Querido Sr.

Ann Landers a pidi mi pa contesta bo carta. Mi no tin e ciencia di Ann, pero mi ta completamente na altura di tur aspecto di bo problema pasobra mi mes a bini ta biba cune durante 19 aña.

No tin un solucion general cu mi por ofrece, pasobra e necesidad-temperamento y personalidad di cada individual ta varia.

Un solucion qu talbes ta bon pa mi por tatotalmente ineficaz den bo caso. Bo ta bisa qu bo no por desplega actividadnan normal pasobra bo casa ta sufri di su enfermedad. Mi ta spera qu bo no a engrandece e actividadnan aki meramente pasobra bo ta sinti qu bo ta faltando algu den bida. Tin hende qu tin un casa qu por balla henter anochi si ta necesario, pero asina mes nan casamentu ta completamente infeliz.

E enfermedad di bo casa ta tragico, pero bo casamentu lo ta infinitamente mas tragico si bo laguele dafia bo bida pa bc. Bo mester pensa di su desgracia como un oportunidad pa bo saca satisfaccin personal. Cuanto hende ta sinti qu realmente otro hende mester di nan? Ato, definitivamente ta unu.

Si bo ta frustra y sin sosiego pasobra bo ta perdiedo un cantidad di cos den bida, tene esaki pa bo mes. Corda qu bo casa tambe ta perdiedo masha cos den e bida aki. Lo mi kler a sugeri bo pa evita "relacionnan" cu otro muher pasobra e relacionnan aki ta dificil, si no imposibel, pa controla.

E promer paso pa bo ahusta bo mester ta pa lubida e cosnan qu bo POR a hasi. Pensa qu dia bo casa cura, bo ta bai balla cune.

E cosnan aki sa sosode, pasobra nada ta imposibel. Mientras tantu bai cune unda qu bo por, maske ta den stoel di wiel. Mantene su speransanan haltu. Stimulele pa hasi exercicio y cualquier otro cos qu por yudele. Tur anochi mi mes ta practica exercicio cu mi casa y en cambio, ami a haña algun leccion cerca dje con hende sa ta balente.

Nos tur ta admira serenidad y compasion pa otro pero ningun hende no a nace cu e calidatnan aki. Circunstancia a pone qu bo si por adquiri nan. Ta manera Ann Landers tin custumber di bisa, "No ta loque pasa cu nos, pero con nos ta wantele ta loque ta bal".

COMUNISTANAN TA HINKA INQUIETUD DEN GOBIERNONAN LATINOAMERICANO

NEW YORK --(UPI)-- E comunistanan a bolbe cuminsa hinka inquietud den gobiernonan latinoamericano, segun un informe for di Chile, ora qu establecimiento di un universidad nobo pa guerrilleronan a ser fundá na Habana, Cuba. E graduadonan, segun e informe, lo ser manda e paisnan di e continente aki y pa Asia y Africa pa fomenta e "guerranan popular".

Pero e proyecto tin un aire di gesto desespera den loke ta referi na America Latina. E comando y guerrilleronan a muestra masha poco eficiencia den Hemisferio. Confusion genera pa e division di comunismo mundial y e creciente confianza di e gobiernonan di enfrente e amenaza, a contribui na e mal fortuna di e propulsorinan di e violencia na America.

Pa algun tempu tabatin un pausa den exportacion di terroristanan for di Cuba pa otro paisnan, probablemente a causa di problema interno di e isla. Pero awor aki tin informenan di qu gruponan nobo di guerrilleros a ser entrena, algun di cual pa medio di instructornan qu a yega for di Vietnam.

E universidad guerrillero, auspacia pa e "organizacion di solidaridad di Asia, Africa y America Latina" ta un proyecto qu a surgi di e conferencia tricontinental filocomunista qu tabatin lugar na cuminsamentu di e aña aki.

En general parse ta existi na America un sentimiento di qu e amenaza a disminui considerablemente. Dia qu Castro a asumi poder na Cuba, guerra di guerrilleronan tabata algu nobo pae militarnan y polisnan di America Latina. For di e tempu ey nan a sifé hopi. E labor di termina cu e guerrilleronan no ta asina difícil manera den e selvatico oriente cubano.

E guerrilleronan frecuentemente tabatin di usa violencia den barrionan y esaki a disminui den e ultimo añanan aki, en parti debi na e drechamentu di e nivel di bida. Nos tin aki un sumario riba e situacion guerrilla actual den America Latina Venezuela --- E movimiento comunista ta masha dividi entre e cauteloso linea qu Moscu ta sigi

y e partidarijan di e Movimiento di Izquierda Revolucionario (MIR) adepto na violencia. E fuentenan comunista ta confesa qu e movimiento ta pasando un mal momento ne momentonan aki.

E organizacion guerrillera y terrorista FALN ta den situacion pesima. Su comandante, Pedro Medina Silva, a bisa e aña aki qu 500 di su hombernan a ser mata y mas di 1000 ta den prison, aunke ela indica qu e movimiento lo ser intensifica gracias na e ayudo di Cuba.

Pero otro fuentenan a señala qu pueblo venezolano ta ansioso di qu violencia lo termina y qu FALN ya no ta obtene reclutanan, ya qu ela perde apoyo tantu den e campaña como den e ciudadnan.

E errornan politico di e comunistanan a intensifica e presion di Gobierno contra di nan, cual a proscribi tantu e partido comunista como MIR.

Nos a cohe Venezuela comoquiera qu e ta mas pega qu Antillas.

Amenaza di welga contra Panam a ser neutralisa

NEW YORK -- UPI -- E sindicato di transporta a anuncia di qu nan a yega na principio na un acuerdo cu e aerolinea, "Pan American World Airways" riba un contrato laboral colectivo cual su ofrecimiento, qu a ser hasina ultimo ora pa e empresa, a persuadi e gremio pa cancela un welga di 13 mil empleado di esaki, mas o menos 15 minuut prome di qu nan a cumpli un periodo legal di 60 dia di prescripcion di welga qu a ser decreta pa parti di Gobierno.

Un vocero di e obreronan qu tabata reclama mas -- e mecaniconan, trahadornan di mantenimiento na terra, stewardessnan y stewardnan -- a bisa qu e proyecto di e contrato mester a ser drecha ainda y aprobacion di e miembronan di e sindicato mester a ser hasi ainda.

Despues di qu e mediador federal a entrega e oferta na e sindicato, esaki a dicide na continua cu e negociacionnan. Nan a indica qu e ofrecimiento lo representa pa e obreronan un mejoramiento di un paar di por ciento, riba un periodo di 32 luna, qu a ser hasi pe junta presidencial di emergencia.

E gremio a rechaza e recomen-

dacion y na su turno a rebaha su demanda originalmente den aumentonan di 30 por ciento riba un periodo di dos aña, pa aumentonan di 15 por ciento, den e mesun plazo ariba menciona.

E welga a paraliza e servicio di e compania den e 90 dianan na unda qu nan biaha, obligando 16,600 pasajeros busca otro medio nan di transporte diariamente. E compania a muestra riba e hecho qu esaki lo por a causele mas o menos 1,600,000 dollar pa dia. Di

Tormenta di awacerru y hagel a castiga Cordoba

CORDOBA, Argentina - UPI - Un tormenta repentino di awacerru y hagel a causa dañonan den e ciudad aki qu ta keda den centro di Argentina y a laga un saldo atras di mortonan qu ta ser calcula den 14, di acuerdo cu informacionnan di polis.

E awacerru a pone qu rieeuw Primero a sali for di su orilla, cual rieeuw ta crusa e ciudad



Na Cabo Kennedy, ingenieronan di Hughes Aircraft Co. ta preparando un Satellite nobo, cu lo ser lanza dia 6 di december si tur cos bai bon. E Satellite nobo aki ATS-B di 790 liber ta ser controla completamente actualmente pa un bon funcionamiento. E satellite aki lo ser usa pa comunicacion entre avionnan cu ta bula den Pacifico cu cualquier centro den merca. E designacion ATS ta e inicialnan pa Aplicacion di Tecnologia Atelite. UPI Radiophoto.--

otro banda 27 mil empleado qu no ta den e disputa lo a keda temporalmente sin trabao.

Tambe un welga di Pan American Air Ways lo por afecta e servicjonan pa Gobierno den transporte di e trupanan y mantenimiento di e astropuerto Cape Kennedy.

HEROE DI 2DA GUERRA MUNDIAL CONDECORRA

MOSCU -- UPI -- Mariscal Georgi K. Zhukov, heroe di segunda guerra mundial quende a cai den descarga na 1957 awe, dia qu ela cumpli 70 aña di edad, a ricibi e orden di Lenin.

Esaki ta e homenaje di mas grandi qu Kremlin ta duna Zhukov for di dia qu ela bandona e puesto di ministro di defensa na 1957, acusa di a trata na pone ejercito rojo riba Partido Comunista.

Zhukov a hala atras y for di e dia ey a keda biba tranquil di dje sin molestia ningun hende. E anuncio oficial a expresa qu e orden di Lenin -- e di cinco condecoracion qu e ta ricibi den su carrera militar largu -- a ser duna n'e pa su "servicjonan na forsan arma di Union Sovietica".

E hecho aki a tuma lugar na momentonan qu Union Sovietica ta preparando pa celebra sudi 25 aniversario e siman aki di e batalla di Moscu, durante di cual e mariscal a comanda e forsan nan qu a rechaza e invasornan aleman salbande e derrota di Union Sovietica.

LEZA ARUBAANSE COURANT

Desaster na Italia

Roma ---UPI--- Alarma a extende su ines pe region noord-central di Italia ayera noch i ora qu rieuwnan a sali for di nan orilla en vista di e inundacion-dacion di mas grandi for di despues di un luna pasa.

Nan a moviliza solda, polis y voluntarionan pa evacua eventualmente e habitantenan di e zonanan den peliger pa e inundacionnan, reforsando tambe e embalsenan qu a ser azota pe crecemento rapido di rieuwnan.

E awacerru a barca e mayor parti di e peninsula ya provoca crecemento den e region central di Toscana y Emi-

lia, y den e vallengan Dolomitas den e parti Noord.

E gran rieuw Taliamento, den e parti nordeste, a sobrepasa e nivelnan previsto y funcionarionan a bisa qu e situacion ta alarmante. E principal funcionar io qu ta encarga di e control di rieuw Po --- esun mas extenso di Italia --- a declara qu e rieuwnan a sobrepasa nan nivelnan normal.

Rieuw Reno a rebalsa su orillanan y su awanan a tapa e zona rural na Tornoa Bolonia. Debi na e peliger nan qu e creciente y habrimentunan di terra ta causa decenas di camindanan y brugnan a ser serra pa trafico.



Na Sur Vietnam, algun dje militarnan americano a regresa nan campamentu despues di un patrulla cu nan a realiza den e fuerte awacerru cu tabata cai. Nos por mira un dje militarnan cu a regresa ta mirando su amigonan trahando un barricada di sacu di santu, caminda nan por monta nan mitralleurnan. Recientemente nan tabata uni un batalla cu varios Viet Cong. --Radiophoto UPI.--

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE



BOTICA

Nachtdiensten: Oranjestad Botica del Pueblo, Tel. 1253-2154
San Nicolás Botica San Lucas Tel. 5119

PELICULA

MAANDAG 5 December:
De Veer: 8.30 p.m. "The Flight of the Phoenix" all
Rialto: 8.00 p.m. "Harem Holiday" all
Principal: 8.00 p.m. "Doctor Zhivago" all
Aurora: NO MOVIES
Savaneta: 8.00 p.m. "Thunderball".


DICK TRACY

presenta pa cortesia di:

VICTORIA BOTTLING COMPANY

PEPICI-COLA--SEVEN UP--GRAPETTE-KIST

VICTORIA SODA WATER--BUFFALO ROCK--GINGER ALE



PEPITA



GAINSVILLE (Florida) -- E delegadonan di Cuba den exilio qu ta asisti na e di 17 conferencia di Caribe a expresa nan oposicion na e proposicion di un "profesor di un universidad di Puerto Rico pa qu Estados Unidos reconoce Cuba Comunista".

Doctora A.H. Cantero, di Miami, a bisa qu ta imposibel pa "negocia cu Castro debi na qu ta unicamente e terminonnan qu e propone mester ser discuti riba dje".

Doctora Cantero ta ex-inspectora general di e departamento di educacion di Cuba.

Thomas Matthews, director di e instituto di estudio di Caribe y profesora na e facultad di ciencia social y di e Universidad di Puerto Rico a forma un sugerencia en cuanto e reconocimiento diplomático norteamericano di e regimen di Fidel Castro, durante un discusion di mesa redonda auspiciada pa e Universidad di Miami.

Mathews a bisa qu e actual situacion ta yuda e prome ministro comunista di Cuba en berdad, pues e ta ofrece gratuitamente un "chino emisario" qu ta carga tur e culpanan di qu e pueblo cubano ta sufri cu n'e.

E exiliadonan cubano no tabata di acuerdo y doctora Cantero a bisa qu e tabatin e impresion di qu Castro kier a reanuda e relacionnan cu Merca pa por resolve su problemanan economico.

HERENCIA

Ta con Gil por a hasi esey cune? E cu semper a muestra un hende sincero y honrado. E ta coy e porta tene duru, y esaki ta slip pasombra e ta hopi mulia. Pero nunca ela primintie algu, ni tampoco el a pidie algo. Tur loke tabata existi entre nan dos, a bin unicamente di su banda. Ta e so a perde su cabes. E a ofrece su amor. Nunca Gil a declaré algo asina. El a sunché si, pero kiko esey nifica? Ultimo blaha cu Ana Maria a bisé loke e ta sinti pé. Esta importuno e tabata i Lagrimas di berguena ta corre riba su cara. Ta con e por a haci su mes asina bobo? Ta con e por a tira su stimacion asina lihe afor? Y ta kiko lo a pasa su senjora cu e cuestion? Barn ta cay drumi bandi Ana Maria su planan. Ana Maria ta keda para contra e cura y lagrimas ta sigui basha riba su cara. Awa ta cuminza jobe atrobe, pero Ana Maria no ta preocupá. E no sa mas cuanto tempo e tin para eynan, pero mester ta basta. E ta sintie manera cu e no tin sangre den su curpa. Di repente Barn

ta cuminza blar, e ta bula lanta y ta corre bay contra un hombre, cu ta jegando serca. Ana Maria ta hiza su cara y ta mira ken e ta. Tabata Henry.
"Ana Maria ta bo tey? Pero mi jiu stimá, kiko a pasabo? Bo no ta sinti bon?"
E ta sacudi su cabes, pasobra e no tin gana di papia. E ta contento cu Henry a bin. E ta un hende cu bo por conta tur loke bo tin na bo curazon. E ta cohe brazá.
"Claire a bisami cu bo a sali cana cu e cacho, y esey ta mas cu un ora y mey pasa caba. Prome mi a pensa cu bo a topa cuakier hende conoci, pero despues mi a cuminza hanja miedu cu algo por a pasabo." Y e otronan sa tambe cu mi no a bolbe mas? No mi ta kere cu nan lo tapensa cu bo ta serca tanta Lies. Claire a bisa algo asina, y mi a subi ariba pa mira, pero mi a hanja Papa cu Lies so ariba. E ora mi a dicidi di bisti mi regenjas y sali mira su mi por topa cu bo.
Pero Ana Maria, contami kiko a pasabo? Mi no por conta. Henry. Hamaas mi por conta un hende loke a pasa". Henry ta coy su braza tene y nan dos ta cuminza cana. "Scuchami un rato Ana Maria, bo no mester contami. Bo sa masha bon, cu hamaas lo mi persisti, pero mi ta kere cu bo

lo bay sinti minor, si bo conta un hende. Habri bo curazon numa, mi ta primintibo cu mi nota bay conta ningun hende." Si, mi sa esey. Nos ta cana bay cas, y na caminda lo bo contami loke a ponebo asina tristo." Danki Henry. Si mi sa cu abo ta e unico persona kende mi por conta. Mi sa cu despues lo misintimimasa alivia. Pero bo ta primintimi cu bo ta lubida tur loke mi a conta-bo despues?
"Claro cu si." Henry, bo conoce Gil Muller?" "Muller?" Claro, cu mi conoce. E tabata un firmante di un conocido oficina di anuncio. Hopi anja pasa el a jega di traha cu nos." Wel si, el a huur un cas aki banda. "Si, mi a tende asina.
Y mi a tende tambe cu el a bin net aki banda, pa e purba scribi un boeki. Hopi blaha e hendenan cu sa traha cu anuncio sa hanja e clase di rilnan ey". Nan ta sigui cana, y Henry tin Ana Maria bon brazá. Barn ta corre nan dilanti y de ves en cuando e ta dal para pa spera riba nan. Henry mi a sinja conoce akinan. Y mi a jega di sali cu ne varios blaha. Asina? Henry su stem ta zona hees. "Y mi a cuminza stime y wor di repente el a bay. Senjora Price a bisa cu e ta casa tambe."

er Ana Maria" E ta casá no berdad?" "Si ta berdad, pasobra tempo cu mi mester a trata cu ne tocante e negoshi, mi a jega di topa varios blaha cu su senjora. E tambe ta hincá den e negoshi. E ta un nechi muhe, color bruin cla, y mi ta kere cu ta hende di Zuid-Amerika.
"Pero lastimamente e ta sufrí di curazon. Pero nunca mi a gusté mucho. E ta masha inteligente y bon trahadó, pero e ta gusta papia masha bruto." Ta berdad anto?" "Tendemi Ana Maria. El a ganjabo? El a ganjabo cu e no ta casa? Sita asina, lo mi..." "No", Ana Maria ta contesta. No, Henry e no a hanja mi ningun rato. Pero como el a bin biba su so akinan, mi a supone cu e ta un hombre soltero. Ta a mi mes tin tur culpa. Mi a actua manera un idiota. Pero bo sa, mi a stime masha hopi y nunca mi a stima un otro hende asina hopi." Pero diconbo a bin hanja sa tur cos, Ana Maria? E ta cuminza conté di su encuentro cu senjora Price. Henry ta scucha cu atencion. "Ta duelmi masha tanto pa bo, Ana Maria. Nan a jega cas, y Henry ta habri e porta di cura. Ana Maria ta coy su mas tene y ta punte: "Bo ta primintimi cu bo lo lubida tur loke mi a conta-bo, Henry? Lo mi no por soporta pa un otro hende hanja sa.
E ta cohe brazá y ta duné un sunchi. Ya mi a lubida tur cos caba." e ta contesta. Mihor nos drenta aden pa caba, aki fo ta masha frieuw."

CAPT. 19

Gerrit ta sinti dilanti e cama di senjorita Berg, y ta keda miré duro y serio. "Esey ta berdad tanta. Famia nifica masha hopi pa un hende." Bo ta un para di suerte, Gerrit. Abo tin bo mayornan ainda, bo ta biba cu nan, y cuakier dia lo bo casa, y forma bo propio hogar." E ta admiti cu su cabes.

"Ta esey mi kier, pero mester placay un mucha muher pa casa cuné." Como Lies semper ta masha romantica y sentimental e no ta pone tino na e prome parti di Gerrit su palabranan y ta pone atencion na e segundo parti.

Un bon esposo ta hopi mas importante cu cuakier otro cos pe. Ademas e familia aki tin hopi placa. E ta sigur cu placa lo no ta ningun problema. Pero e mucha muher? Kizas e por haci un áiki influencia riba Ana Maria. Y kizas e por yuda Gerrit di e manera ey.

E tin berdadero deseo di por haci algo pa Gerrit. "Kizas mi por yudabo, mi jiu. Sigur cu mi lo haci, basta mi por." e ta bisa, mientras e ta sonrei cu nê. "Mi ta hanja masha lihé di bo, tanta Lies. "Mi lo mira kiko mi por haci pa bo, pero bo mester tin pasenshi si." "Caramba, Gerrit ta pensa, parce cu e no tin placa cu ne. Dicon tur e cosnan ey mester pasa net cu nê?"